

PRIRODNO-MATEMATIČKI FAKULTET Univerziteta u Sarajevu, ulica Zmaja od Bosne 33-35, kojeg zastupa prof. dr. Mustafa Memić, dekan Fakulteta (u daljem tekstu: Naručilac),
i
PRINTEX d.o.o. Sarajevo, Hasana Sušića 9 i 11, 71 000 Sarajevo kojeg zastupa Siručić Igor, direktor (u daljem tekstu: Dobavljač).

Na osnovu člana 88. i 89. Zakona o javnim nabavkama („Službeni glasnik BiH“, broj: 39/14), a nakon provedenog postupka nabavke putem konkurentskog zahtjeva za dostavu ponuda, objavljenom na Portalu javnih nabavki, broj: 654-7-1-91-3-8/17, dana 16.06.2017. godine i Odluke o dodjeli ugovora, broj: 01/01-66/17-2017 od 08.09.2017.godine, ugovorne strane na dan 05.10.2017. godine, zaključuju:

UGOVOR o nabavci robe

I PREDMET UGOVORA

Član 1.

Predmet ovog Ugovora je snabdjevanje **KOMPJUTERSKOM OPREMOM** za potrebe **Prirodno-matematičkog fakulteta Univerziteta u Sarajevu**, a na osnovu provedenog postupka po konkurentskom zahtjevu, objavljenom na Portalu javnih nabavki, broj: 654-7-1-91-3-8/17, dana 16.06.2017. godine.

Sastavni dio ovog Ugovora je prihvaćena Ponuda Dobavljača broj: 70/17 od 03.07.2017. godine.

Član 2.

Naručilac se obavezuje da za vrijeme trajanja ovog Ugovora, a u skladu sa ugovorenim uslovima, nabavlja od dobavljača proizvode prema ponudi, a prema specifikaciji, uz ponuđene garancije kvaliteta.

Član 3.

Prirodno-matematički fakultet Univerziteta u Sarajevu će cijeniti prioritete u redoslijedu nabavke po dodijeljenom ugovoru, a prema raspoloživim sredstvima, koja su planirana Finansijskim planom i Planom nabavke Fakulteta.

II CIJENE, PLAĆANJE I ISPORUKA

Član 4.

Dobavljač će snabdjevati naručioca po cijenama iz Ponude, koje su ponuđene od strane Dobavljača u provedenom postupku po konkurentskom zahtjevu za predmet ovog ugovora.

Član 5.

Ukupna ugovorna cijena za predmet Ugovora iz člana 1. Ovog Ugovora, bez poreza na dodanu vrijednost iznosi:

=26.350,00 KM

(Slovima : dvadesetšesthiljadatristotinedeset i 00/100 KM)

Porez na dodanu vrijednost (17%) iznosi:

=4.479,50 KM

(Slovima : četirihiljadečetiristotinesedamdesetdevet i 50/100 KM)

Ukupna ugovorna cijena za predmet Ugovora iz člana 1. Ovog Ugovora, sa porezom na dodanu vrijednost iznosi:

=30.829,50 KM

(Slovima : tridesethiljadaosamstotinadvadesetdevet i 50/100 KM)

Član 6.

Ugovorne strane su saglasne da se plaćanje vrši u roku od 15 dana po uredno izvršenoj sukcesivnoj isporuci i ispravno ispostavljenjoj fakturi.

Član 7.

Dobavljač se obavezuje da će naručene proizvode isporučivati sukcesivno u skladu sa potrebama Ugovornog organa, u roku od 21 (dvadesetjednog) dana od datuma pismene narudžbe, mjesto isporuke FCO skladište naručioca.

U slučaju kašnjenja u isporuci roba, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

III TRAJANJE UGOVORA

Član 8.

Ugovor traje 6 (šest) mjeseci od dana zaključivanja.

IV RASKID UGOVORA

Član 9.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 30 (trideset) dana unaprijed.

V ZAVRŠNE ODREDBE

Član 10.

Dobavljač kojem je dodijeljen ugovor o javnoj nabavci nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 11.

Ugovorne strane su saglasne da se za sve što nije regulirano ovim Ugovorom, primjenjuju odredbe Zakona o obligacionim odnosima.

Član 12.

Ugovorne strane su saglasne da sva eventualna sporna pitanja riješe sporazumno u duhu dobrih poslovnih običaja.

Ukoliko ugovorne strane ne postignu sporazumno rješenje, za rješavanje spora nadležan je sud u Sarajevu.

Član 13.

Ovaj Ugovor stupa na snagu danom potpisivanja od strane ovlaštenih lica ugovornih strana.

Član 14.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

Izvršilac:
Printex d.o.o. Sarajevo

Direktor
Igor Siručić
Siručić Igor



Naručilac:
Prirodno-matematički fakultet
Univerziteta u Sarajevu

Dekan
Mustafa Memić
Prof. dr. Mustafa Memić



Broj: 01-360A/17
Datum: 05.10.2017. godine

Broj: 01/01-66/22-2017
Datum: 05.10.2017. godine